

DIASABRA AWOR DEVELO

J.E. IRAUSQUIN BOULEVARD

ORANJESTAD(AAN) -- Diasabra awor 4 di Juli lo tuma lugar develo di un borchí pa inauguracion di Juan Enrique Irausquin Boulevard.

E ceremonia lo tuma lugar na altura di e luznan di trafico den vecindario di The Dutch Village.

E Boulevard cu lo hiba number di e ilustre politico Arubano J. Irausquin lo ta for di mas o menos The Dutch Village te na Holiday Inn Hotel.

Conseho di Ministro recientemente a tuma e decision aki pa asina honra un gran Arubiano kende a haci hopi pa su pais specialmente e desaroyo economico.

E tabata un persona cu vision grandi, mirando e desaroyo turistico di Aruba durante e ultimo 10 añanan.

E programa lo cuminsa pa 5'or di atardi cu Himno di Aruba canta pa Trio Los Arubeños. Lo tin diferente discurso y actuacion di artistanan y gruponan local.

Gobierno di Aruba ta invita henter e comunidad Arubano pa bin presencia e ceremonia y duná homenaje asina na un gran Arubano kende a traha duro pa nos baranca y awor ta

ocupa un lugar importante den nos historia.

DIARIO

22207 - 35026